

Ն. ԱՂՈՆՅԻ ՔԱՂԱՔԱԿԱՆ ՆՐԱԿԱՐԱԿԱԿԱՆ ՈՍՈՒԹՅԱՆ ԷԶԵՐԻՑ

Ականավոր հայագետ Նիկողայոս Աղոնցի գիտական ժառանգությունը հանրահայտ է և գնահատվել է հավուր պարշաճի: Նամեմարաբար ուշադրությունից դուրս են մնացել նրա ազգային-հասարակական գործունեությունն ու հրապարակախոսական ժառանգությունը, որոնք բնութագրում են պարմարանին որպես անհայտի, քաղաքացու և անմնացորդ հայրենասերի: Աղոնց-գիտականի նկարագրի ձևավորումը սերտորեն աղերսվում է Աղոնց-քաղաքացու և Աղոնց-հրապարակախոսի գոգահեռ ընթացող ձևավորմանը: Դա էր պարճառը, որ Աղոնցը չդարձավ զուր գրասենյակային գիտական կամ զուր լսարանային դասախոս: Նա լայն առումով միաժամանակ նաև ազգային ու հասարակական գործիչ էր: Աղոնցը երբեք չմնաց կողքից դիպրողի ու դարողություններ անողի դերում: Նա գործուն մասնակցություն է ունեցել քաներորդ դարասկզբի Ս. Պերերբորգի հայկական համայնքի կյանքին, րեղի Նայոց Եկեղեցու ձեռնարկումներին, ընրվել է «Նայոց եկեղեցական գույքերի վարչության» խորերդի անդամ, ապա՝ վոխնախագահ, «Սանկր - Պերերբորգի հայկական խմբակի» կազմակերպիչներից ու բազմաջան անդամներից էր:

1905 թ. հունվարին սկսված Ռուսական առաջին հեղափոխությունը փոթորկեց նաև րերության ազգային կյանքը: Որքի կանգնեցին ազգային ծայրամասերի, այդ թվում և Անդրկովկասի ազգությունները: Ամեմուր հրավիրվում էին խորերդակցություններ, համաժողովներ, որոնցում քննարկվում էին ոչ միայն քաղաքական ու րնրեսական, այլ նաև ազգային հարցեր, անգամ բարձրացվում էին րեղական ինքնակառավարման ու ազգային ինքնավարության հասրարաման պահանջներ: 1905 թ. նոյեմբերին Մոսկվայում հրավիրված «Այազգիների համագումարում» գեկուցումով հանդես է եկել նաև երխրասարդ Նիկողայոս Աղոնցը: Ընդամենը մի քանի էջերի սահմաններում նա դիպուկ գծերով ներկայացրել է հայոց պարմության ընթացքը՝ սկզբից մինչև Ի. դարասկիզբը: Անդրադառնալով Կովկասի ինքնավարության պահանջին, որ այնքան եռանդուն պաշտպանում էին վրաց ազգայնականները՝ Աղոնցը կարծում էր, որ «Կովկասի ինքնավարության հարցը ծայրահեղ բարդ է, խճճված» և րեղական բնակչության բազմազգության, ազգերի րեղաբաշխվածության ծայրահեղ խրթնության ու մշակութային րարբեր ասրիճանների պայմաններում պահանջվում է երկարարեւ ժամանակ և րեսական համարեղ մշակութային աշխարանք:

Ն. Աղոնցի այդ գեկուցման ռուսերեն բնագիրը պահվում է հասարակական, մշակութային գործիչ, խմբագիր Գեորգ Բալաբեկի Մեկիբ-Կարագյոյանի (1873-1940) անձնական թողնումում (րեն ՆՏ Ազգային արխիվ, Ֆոնդ 502, ց. 1, գ.103, թթ.1-6): Փասրարթողթը հրապարակել են պարմ. գիտ. թեկնածուներ Սոնյա Միրգոյանն ու Ավարդ Ղազիյանը (րեն «Բանբեր Նայասրանի արխիվների», 2004, թիվ 1, էջ 34-37): Սրորեն րրվում է Ն. Աղոնցի գեկուցման հայերեն թարգմանությունը, որն իրականացրել է բանասիրական գիտությունների թեկնածու Գեորգ Մադոյանը:

ՆԻԿՈՂԱՅՈՍ ԱՂՈՆՅ

**ԶԵԿՈՒՑՈՒՄ ԿԱՐԴԱՑՎԱԾ
ԱՅԼԱԶԳԻՆԵՐԻ ՀԱՄԱԳՈՒՄԱՐՈՒՄ
(նոյեմբեր, 1905 թ.)**

Դժվար թե հնդեւրոպական ազգերի թվում, որոնց շարքում, ինչպես հայտնի է, դասվում են նաեւ հայերը, գտնվի մեկ ուրիշը, որ իր պատմութեան սկզբից եւեթ հայտնված լինի նույնքան անշահեկան պայմաններում: Զբաղեցնելով մի տարածք, որ բոլոր կողմերից պաշտպանելու կարիք ունի, հայոց ազգն ստիպված էր մշտական պայքար մղել յուր ինքնութեան եւ ինքնութեւնութեան համար: Ժամանակ առ ժամանակ նրան հաջողվում էր հաղթահարել բոլոր խոչընդոտները եւ վերածվել հզոր տերութեան, սակայն հայոց երկրի աշխարհագրական անբարենպաստ պայմաններն ու տարածքը, որ ծավալվում էր մշտապես միմյանց հետ մրցակցող՝ Պարթեւստանի եւ Հռոմի, Սասանյանների եւ Բյուզանդիայի, արաբների եւ բյուզանդացի տերութեւնների միջեւ, անհավասար պայքարում վատնում էին հայոց ուժերը: Ոչ միայն Հայաստանի այլեւ ամբողջ Առաջավոր Ասիայի պատմութեան մեջ բեկումնային պահ հանդիսացավ երկու ազգակից ժողովուրդների՝ հայերի եւ հնդեւրոպական մյուս ժողովուրդի՝ պարսիկների, բաժանումը հոգեւոր հենքի վրա, երբ հայերն ընդունեցին քրիստոնեութիւն, իսկ պարսիկները՝ իսլամ, որից հետո մոնղոլական ցեղերի մերկալից հեղեղը, այլեւս արգելքի չհանդիպելով, հորդեց Պարսկաստանի, Հայաստանի, Փոքր Ասիայի վրա եւ հասավ Եւրոպա, ամենուր ի չիք դարձնելով հազարամյա քաղաքակրթութեան պտուղները: Հայոց համար սկսվեց գորշ եւ անարեւ մի դարաշրջան: Քաղաքական ինքնութեւնութեան կորստի հետ մոնղոլների իրականացրած անդադար ու զանգվածային ջարդերի եւ դրանցով պայմանավորված արտագաղթի արդյունքում հայոց ազգը խիստ կրճատվեց, իսկ մոնղոլների իսլամ ընդունելուց հետո՝ հայոց պատմութիւնը վերածվեց մի համատարած մարտիրոսութեան հանուն քրիստոնեական կրոնի: Թվում է, թե նման իրավիճակում հայերը պետք է անհանային, ինչպես նրանց որոշ հարեւաններ, որ չդիմանալով գոյութեան անտանելի պայմաններին՝ ձուլվեցին նվաճողների հետ: Սակայն անձնազոհ նվիրումը

քրիստոնեությունը եւ ազգի ինքնագիտակցություն մեջ խորապես արմատավորված քրիստոնեական մշակույթի հիմնադրույթները փրկեցին հայերին՝ մշտապես վառ պահելով պայծառ ապագայի հույսերը: Մի պահ, երբ Մերձավոր Արեւելքում հայտնվեցին խաչակիրները, փայլատակեց հուսո ճառագայթը: Այդ պահին Կիլիկիայում ձեւավորված Հայկական թագավորությունը միացավ խաչակրաց առաքելությանը, սակայն այս պայքարը ողբերգական ավարտ ունեցավ ոչ միայն խաչակիրների, այլ նաեւ հայերի համար, որ, այդ պայքարում կորցրեցին իրենց ինքնիշխան պետությունը: Սա ԺԴ. հարյուրամյակում էր: Դրանից հետո հայերին չհաջողվեց ինքնուրույն քաղաքական կյանք ստեղծել, եթե ի նկատ չառնենք մինչեւ ԺԸ. դարն Արցախում (Ելիզավետպոլի նահանգ) գոյություն ունեցած մանր մեկիքությունները: Ստեղծված հուզիչ իրավիճակում հայերն իրենց հայացքը հառեցին դեպի Հյուսիս, եւ նրանք ոգի առան, երբ ռուսները հայտնվեցին Կովկասի մատույցներում: Նրանք հուսով էին, թե ռուսական-քրիստոնեական իշխանություն հաստատմամբ Կովկասում կյանքի պայմանները կբարելավվեն: Ռուսների՝ կանխավ նախանշված եւ բնական առաջխաղացումը տեղի քրիստոնյա բնակչությունը գոհունակություն ընդունեց: Բավական է ասել, որ ռուսական բանակի շարքերում իր տեղը գրավեց Հայկական լեգեոնը, որը գլխավորում էր հանրաճանաչ Ներսես եպիսկոպոսը՝ ապագա Կաթողիկոսը²: Ռուսների առաջխաղացումն ավարտվեց Հայաստանի հայտնի մասի Ռուսաստանի հետ միավորմամբ: Գրավյալ մարզում համեմատաբար տանելի կարգեր հաստատվեցին: Այդ պահից սկսվում է Հայաստանի արեւելյան մասի մտավոր վերածնունդը. բացվում են դպրոցներ, ի հայտ են գալիս տպագիր պարբերականներ, ստեղծվում են լուսավորական հաստատություններ: Հայ մտավոր զարթոնքի եւ լուսավորության զարգացման գործում մեծ դեր խաղացին Վենետիկի եւ Վիեննայի Մխիթարյան միաբանությունների գիտնականները, որ զբաղված էին հայոց պատմության ուսումնասիրությամբ եւ վեր հանմամբ ըստ հայկական բազմաթիվ ձեռագրերի, ինչպես եւ հայկական գրական հուշարձանների հրատարակությամբ: Դրանց տպագրումը մեծ հետաքրքրություն առաջացրեց եւրոպական գիտական շրջաններում, այն բանի շնորհիվ, որ դրանք հարուստ նյութ էին պարունակում նաեւ ընդհանուր պատմության վերաբերյալ: Հայ մատենագրության էջերում գտնվեցին մի շարք արժեքավոր գրական հուշարձաններ եւ թարգմանություններ հույն դասականներից, որոնց մի մասը չէր պահպանվել բնագրով: Ազգի պատմական քաղաքակրթությունը

Հատկապես ի հայտ եկավ բարձրագույն կրթության հանդեպ մեծագույն ձգտմամբ, ձեռավորվեց մտավորականություն, որ ծառայում էր Կովկասում մշակութային եւ քաղաքացիական հասարակության կազմավորմանը:

Սկսվեցին 1860-ական թվականները, որ իրենց արձագանքը գտան նաեւ հայ մտավորականության մեջ. Ստ. Նազարյանցն ու Ա. Գերցենի բարեկամ Մ. Նալբանդյանը, պետք է հայ կյանքում եւ գրականության մեջ նոր հոսանքի սկիզբը դնեին: Իսկ նրանց հաջորդ՝ հանգուցյալ հրապարակախոս Գրիգոր Արծրունու ջանքերով այս նոր հոսանքը պիտի դառնար համայն մտածող հայության սեփականությունը: Կրթության եւ նոր հիմունքներով իր կյանքը ձեռափոխելու ձգտումը գրավեց ամբողջ հայ ժողովրդին: Երկու սեռերի երեխաների համար հայկական նահանգները ծածկվեցին ժողովրդական դպրոցների լայն ցանցով, կազմավորվեցին կրթական ծավալուն նպատակներ հետապնդող միություններ, հիմնվեցին թերթեր, ամսագրեր, ստեղծվեց փայլուն գրականություն, ինչպես եւ հիմքը դրվեց մշտապես գործող ազգային թատրոնի: [18] 77-78 թթ. քրիստոնյաների ազատագրման դրոշի ներքո սկսվեց ռուս-թուրքական պատերազմը: Տաճկահայությունը գոհունակությամբ ընդունեց ռուսական զորքերին՝ նրանցից ակնակալելով թուրքական ծանր լծից ազատագրում: Պատերազմն ավարտվեց: Սան Ստեֆանոյի պայմանագրի 16-րդ կետով Ռուսաստանը բարեփոխումներ էր պահանջում թուրքա-Հայաստանում: Այս պահանջը մտավ բեռլինյան պայմանագրի 61-րդ հոդվածի մեջ. բարեփոխումները պետք է իրականացվեին Մեծ տերությունների հսկողության ներքո, սակայն նրանք թղթային ճանաչումից այնպիսի չանցան: Մինչդեռ համայն հայության հայացքն ուղղված էր խոստացված բարեփոխումների կողմը, որոնց թուրքիան պատասխանում էր բոլոր հնարավոր միջոցներով, որ միտված էին թուրքիո մեջ հայկական տարրի թուլացմանն ու արմատախիլ անելուն:

Ալեքսանդր II կայսեր մահից հետո³ ռուսական կառավարության քաղաքականությունը կտրուկ փոխվեց թե՛ ռուսաստանաբնակ հայերի, թե՛ թուրքիայում հայկական հարցի առնչությամբ: Ռուսա-Հայաստանում ամենածայրահեղ ձեւերն ընդունեց ռուսացման քաղաքականությունը: Կառավարությունը թվում էր, թե հարեւան մշակութային ազգը՝ վրացիները, եկեղեցական միության եւ ազգային բոլոր ինքնուրույն կառույցների ոչնչացման շնորհիվ արդեն իսկ ամբողջովին կուլ էին գնացել եւ բռնել ռուսացման ուղին, եւ որ նույնը պետք էր անել նաեւ հայերի հետ: Ուստի կառավարությունն իր ռուսացման քաղաքականության բոլոր հարվածներ-

ըը հիմնականում ուղղել էր հայերի դեմ, որն իր պատկերացմամբ դեռևս չափազանց շատ ինքնուրույնություն ուներ՝ ինքնավար Հայ Եկեղեցու եւ հայկական դպրոցների ու կրթական կառույցների հանգամանքով: Կառավարությունն անդամներն այստեղ անջատողականություն տարրեր էին նկատում: Իսկ երբ արձանագրվեցին Թուրքիայում բնակվող իրենց եղբայրակիցների վիճակի բարելավմանն ուղղված ռուսահայությունն առաջին փորձերը, ռուսական կառավարությունը սկսեց հայերին կասկածել Հայկական թագավորություն վերստեղծելու ձգտման մեջ: Ռուսաստանի, Թուրքիայի եւ Պարսկաստանի հայկական գավառների միավորմամբ Մեծ Հայաստանի հարություն մասին մի մտացածին գաղափար հորինվեց եւ վերագրվեց հայերին, չնայած այն բացահայտ փաստին, որ այդ տարածքների բնակչություն ժողովրդագրական իրավիճակը նման կասկածների տեղիք չէր տալիս: Ռուսաստանի եւ Թուրքիայի կողմից սկսվեցին երկկողմանի դաժան հետապնդումներ, Ռուսա-Հայաստանում փակվեցին հայկական դպրոցներն ու կրթական հաստատությունները: Սարսափելի հալածանքներ սկսվեցին այն գործիչների նկատմամբ, ովքեր անդամակցում էին Դաշնակցություն կուսակցությանը, որ հիմնվել էր իննսուն թվականին՝ միակ նպատակ ունենալով հասնել Թուրքա-Հայաստանի բարեփոխումների իրականացմանը, բարեփոխումներ, որ նախագծվել էին Ալեքսանդր II-ի կառավարության կողմից: Այս բարեփոխումների իրականացման մեծ տեղությունների բոլոր փորձերը հանդիպում էին ռուսական կառավարության հարուցած անհաղթահարելի խոչընդոտներին: Երբ անգլիական կառավարությունը կամեցավ իր միջամտությամբ դադարեցնել [18]95 թ. հայկական ջարդերը Թուրքիայում, այնժամ ռուսաց արտաքին գործոց նախարար Իլյան Լոբանով-Ռոստովսկին⁴ հայտարարեց, թե թուրքական գործերին նման միջամտումը կդիտվի իբրեւ *casus belli*⁵: Կոտորածը շարունակվեց եւ հարյուրհազարավոր մարդկանց կյանք արժեցավ: Իլյան Գոլիցինի⁶ երկաթե ձեռքն իր ողջ ծանրությամբ իջավ հայկական կյանքի բոլոր դրսեւորումների վրա, իսկ մնացյալ գրեթե բոլոր պաշտոնյաները ձգտում էին պատճենել իրենց սատրապին: Մինչդեռ Իլյան Գոլիցինը նոր, ծանր հարված էր նախապատրաստում՝ օրենք Հայ Եկեղեցու ողջ ունեցվածքի առգրավման մասին⁷, կամ ավելի ճիշտ՝ ժողովրդի ունեցվածքի, քանի որ Հայ Եկեղեցին ծայրաստիճան ժողովրդավարական է, ամբողջությամբ հիմնված ընտրական կարգի վրա, ուստի եկեղեցական ինչքի կառավարման գործում մշտապես մասնակցում էին նաեւ ժողովրդի ընտրված ներկայացուցիչները: Այս օրենքի փաստացի

կիրառումն ամենուրեք հանդիպեց ժողովրդի դիմադրությունը, որ զենքն ի ձեռին պաշտպանում էր իր ունեցվածքն ու իրավունքները: Սկսվեցին նոր ձերբակալություններ ու նոր հետապնդումներ: Հայերի հանդեպ վախը համակել էր մթնոլորտը: Այս պայմաններում Հայ հեղափոխական դաշնակցությունն անհրաժեշտ համարեց իր գործունեությունը տարածել նաեւ Ռուսա-Հայաստանում եւ կառավարության ահաբեկիչ գործունեությունը հակադրել իր ահաբեկչությունը:

Այդ պահին Ռուսաստանում սկիզբ առած եւ ամրապնդված բանվորական շարժումն արտահայտվել էր նաեւ Բաքվում. այստեղ հայ բանվորները, իբրեւ մշակութային տարր, նույնպես լայն մասնակցություն էին ունեցել այդ շարժմանը: Իշխանության ներկայացուցիչները որոշեցին խեղդել լույս աշխարհ եկող ազատագրական շարժումը եւ դիմեցին իրենց իսկ կողմից բազմիցս հնչեցված գաղափարի իրագործմանը. թաթարներին լարել հայերի դեմ: Սկսվեց ոստիկանական նողկալի սադրանքը եւ իրականացավ կայանական գործը, որ մինչ այժմ շարունակվում է ամբողջ Անդրկովկասով մեկ՝ պատճառ դառնալով երկուստեք մեծաթիվ զոհերի⁸:

Եւ այն ժամանակ, երբ Ռուսաստանի բոլոր ժողովուրդները այլազան հնարավոր համաժողովներում եւ հանրահավաքներին պարզում էին իրենց կարիքներն ու վերաբերմունքը ապագայի՝ նոր Ռուսաստանի հանդեպ, հայ ժողովրդի համայն առողջ ուժերն ու մտքերն ուղղված էին մի եւ միակ նպատակին, միակ խնդրին՝ ժողովրդի ինքնապաշտպանության հարցին: Նման պայմաններում հայերը, որ մշտապես Կովկասի մշակութային շարժման առաջին շարքերում էին, բնականաբար չէին կարող գործունե կերպով արձագանքել ռուսաստանյան ժամանակակից շարժմանը: Հայոց ներկայացուցիչների միակ համագումարը, որ կայացավ ընթացիկ տարվա մարտին՝⁹ Թիֆլիսում, ընդունեց մի շարք ծրագրեր, որոնց հիմքում ընկած են ռուսական ազատագրական շարժման բոլոր գերակա եւ հիմնական պահանջները: Ընդգծելով տեղական ինքնակառավարման անհրաժեշտությունը, այնուամենայնիվ այս ծրագիրն ինքնավարության պահանջ չի առաջադրել¹⁰: Եւ դա արվել է լիովին գիտակցված. Կովկասի բնակչության բազմազգության եւ ազգերի տեղաբաշխվածության ծայրահեղ խրթնության պայմաններում, բնակչության որոշ հատվածներ գտնվում են մշակութային տարբեր աստիճանների վրա, կտրուկ, հաճախ փոխանընկալունակության աստիճանի տարբերվելով իրարից: Կովկասի ինքնավարության հարցը ծայրահեղ բարդ է, խճճված եւ իր կարգավորման համար պահանջում է նախնական

լուրջ գիտարկումներ եւ Կովկասի ժողովուրդների տեւական համատեղ մշակութային աշխատանք:

Երբ իրագործվի այս աշխատանքը, երբ փոխմբռնումը եւ հետաքրքրությունների նույնականության գիտակցումը հասանելի կլինի բոլորին, կամ առնվազն Կովկասի հիմնական ժողովուրդներին, լոկ այն ժամանակ Կովկասի ինքնավարության պահանջը կդառնա տարածաշրջանի համընդհանուր կենսական կարգախոս:

Ծանոթագրություններ

1. Մոնղոլները իսլամ ընդունել են 1299 թվականին:
2. Խոսքը Ամենայն Տայոց Կաթողիկոս Ներսես Ե. Աշտարակեցի Շահ-Ազիզյանի (1843-1857) մասին է:
3. Ռուսաստանի կայսր Ալեքսանդր II-ը սպանվել է 1881 թ. մարտի 1-ին:
4. Լորանով-Ռոստովսկի Ալեքսեյ Բորիսովիչ (1824-1896), ռուսական պետական գործիչ, դիվանագետ, Ռուսաստանի արքային գործոց նախարար (1895-1896), աչքի է ընկել իր շեշտված թուրքամետ քաղաքականությամբ:
5. **Casus belli** (լատ.)- պատերազմի առիթ:
6. Գոլիցին Գրիգորի Մերգելեիչ (1838-1907), ռուսական պետական գործիչ, Կովկասի կառավարչապետ (1896-1904): Տայրնի է իր հայահալած քաղաքականությամբ:
7. Նկարի ունի Գր. Գոլիցինի առաջարկով ցարական կառավարության ընդունած 1903 թ. հունիսի 12-ի օրենքը, որի համաձայն Տայոց Եկեղեցու եւ հոգևոր հաստատությունների ամբողջ անշարժ գույքն ու կապիտալները անցնում էին պետության փնտրիմությանը: Օրենքը չեղյալ է հայտարարվել 1905 թ. օգոստոսի 1-ի ցարական հրամանագրով:
8. Տայ-թաթարական (ադրբեջանական) ընդհարումները սկսվել են 1905 թ. փետրվարի 6-9-ին Բաքվում եւ այնուհետեւ փարածվել ամբողջ Անդրկովկասում ու ավարվել 1906 թ. օգոստոսի 22-ին՝ Զանգեզուրում:
9. Պետք է լինի ապրիլին:
10. Խոսքը 1905 թ. ապրիլի 3-15-ը Թիֆլիսում կայացած Անդրկովկասի հայաբնակ 24 կենտրոնների ներկայացուցիչների համագումարի մասին է: Այսպեղ բարձրացվել են հարկապես Տայոց Եկեղեցու ինքնավարության, եկեղեցական-ծխական դպրոցների, մշակութային-կրթական հիմնարկությունների վերաբացման եւ ազգային հեղափոխություններ ներկայացնող այլ պահանջներ (տե՛ս «Տայ ժողովրդի պարամություն», հատ. VI, ՏԳԱ հրատ., Երևան, 1981, էջ 372-373, հմմտ. Տր. Ռ. Սիմոնյան, Ազգագրական պայքարի ուղիներում, գիրք I, Երևան, 2003, էջ 178-180):